

Grunnskóli Reyðarfjarðar



Valgreinar Skólaárið 2022– 2023 Námslýsingar



Hugrökku ❤️ er ekkert ómögulegt



Val í 8. – 10. bekk

Kæri nemandi.

Samkvæmt aðalnámskrá grunnskóla er gert ráð fyrir að nemendur á unglíngastigi fái 37 kennslustundir á viku eða 1480 mínútur alls. Þær skiptast í 33 stundir í kjarnagreinum og 4 stundir í valgreinum. Markmiðið með vali er að gefa nemendum tækifæri til þess að velja viðfangsefni í tengslum við áhugasvið, styrkleika og framtíðaráform eftir því sem hægt er.

Nemendur velja sér nú valgreinar fram að áramótum.

Í þessum bæklingi eru valgreinarnar kynntar og biðjum við ykkur um að lesa kynningarnar vel yfir. Valgreinar eru kenndar annars vegar á þriðjudögum og hinsvegar á fimmtudögum. Valgreinar sem kynntar eru á fimmtudögum í þessum bæklingi eru þó eingöngu ætlaðar nemendum 8. bekkjar.

Í vetur verða nemendur í 9. og 10. bekk í vali í Verkmenntaskólanum á Norðfirði á fimmtudögum, í 8 vikur hvor bekkur. Þetta fyrirkomulag var reynt síðasta vetur og gafst vel, en þarna gefst nemendum kostur á fjölbreyttu vali, auk þess að kynnast framhaldsskólanum okkar hér í heimabyggð. Nemendur 10. bekkjar byrja, í 8 vikur og síðan taka nemendur 9. bekkjar við. Við hvetjum nemendur 9. og 10. bekkjar til að kynna sér valbæklinginn frá VA og velja valgreinar á sérstöku valsvæði.

Allir nemendur 8. – 10. bekkjar velja eina valgrein af þeim valgreinum sem kenndar verða á þriðjudögum fram að áramótum.

Skólahreysti verður kennd einn tíma á viku fram að keppni og hvetjum við alla þá sem langar að spreyta sig á Skólahreystiprautum og auka hreysti sitt og þol, að taka þátt.

Með kveðju,
Ásta

Valgreinar kenndar haustönn 2022, á þriðjudögum frá kl. 13:25-14:45.

Hönnun og smíði

Unnið verður að skapandi verkefnum sem tengjast hönnunarferli og smíðum. Verkefni verða margvísleg allt frá því að útskýra hugmyndir sínar með fríhendis- og grunnteikningu ásamt því að vinna eftir verkáætlun og vinnuteikningum. Lagt verður upp úr samvinnu, jákvæðni, vinnusemi og vandvirkni.

Námsmat

Nemendur verða metnir samkvæmt hæfniviðmiðum eftir áhuga, árangri og hegðun í kennslustundum, jafnt og þétt á meðan lotan stendur yfir.

Heimilisfræði

Heimilisfræðin á að auka sjálfstæði nemenda í heimilisstörfum og vera þjálfun í að vinna með öðrum. Nemendur læra að elda og baka eftir uppskriftum, einnig meðhöndlun matvæla og mikilvægi hreinlætis, ásamt því að læra næringar- og heilsufræði.

Markmið

- Að geta skipulagt og matreitt fjölbreyttar, hollar og vel samsettar máltíðir með hagkvæmni og nýtni að leiðarljósi.
- Að geta sett viðfangsefni heimilisfræðinnar í samhengi við lýðræði og jafnrétti, hreinleika og eiginleika sem taldir eru bæta heilsu fólks og stuðla að sjálfbærri þróun.
- Að geta tjáð sig um heilbrigða lífshætti og tekið ábyrgð á eigin heilsu.
- Að vita um mikilvægi hreinlætis og meðferð matvæla.

Námsmat

Nemendur verða metnir samkvæmt hæfniviðmiðum eftir áhuga, árangri og hegðun í kennslustundum, jafnt og þétt á meðan lotan stendur yfir.

Listasmiðja

Listasmiðjan er skapandi, eflandi, öruggur og kröftugur staður til sköpunar, tjáningar, tilrauna og frelsis. Vettvangur til athugana, upplifana og uppljómana.

Unnið verður með tónlist, myndlist og hönnun og hina ýmsu undirflokk þessara greina. Nemendur fá kynningu á fjölbreyttum leiðum sköpunar en velja sér svo svið innan hennar til úrvinnslu verkefna. Það er sjálfsagt að prófa sig á nokkrum sviðum nú eða blanda saman sviðum.

Örfa dæmi um verk:

- Pappamassi
- Kertagerð
- Skúlpur
- Blýantsteikningar
- Málverk frá upphafi til enda
- Tie dye
- Lagasmíðar

Við kynnumst því einnig hvernig við komum okkur á framfæri með okkar list.

Viltu mála, syngja, hanna, teikna, skrifa, túlka, spila og tjá þig í öruggu og skapandi umhverfi í vetur og vita nákvæmlega hvað þú þarft að gera til að ná árangri? Þá er listasmiðjan staðurinn fyrir þig!

Námsmat

Nemendur verða metnir samkvæmt hæfniviðmiðum eftir áhuga, árangri og hegðun í kennslustundum, jafnt og þétt á meðan lotan stendur yfir.

Legó og forritun

Lýsing

Valið er einkum ætlað nemendum 8. bekkjar.

Nemendur hanna legó vélmenni og æfa sig í að forrita það til að leysa ýmis konar þrautir. Hópnum er skipt í nokkra minni hópa og hver hópur ber mesta ábyrgð á ákveðnum hluta stóra verkefnisins sem er að taka þátt í Legó

keppninni í Reykjavík 12. nóvember nk. en allir koma eitthvað að öllum verkefnum. Allir hjálpast að við að byggja þrautabrautina.

Unnið er að

- Smíði á vélmenni úr tölvustýrðu Lego
- Forritun vélmennisins til að leysa ákveðnar þrautir í þrautabraut
- Rannsóknarverkefni um ákveðið efni
- Dagbók

Nemendur prófa einnig aðrar tegundir forritunar, bæði á chromebook tölvur og spjaldtölvur.

Markmið

- Að vekja eða auka áhuga nemenda á vísindum og tækni
- Að þjálfast í grunnatriðum forritunar
- Að efla sjálfstraust og leiðtogaþæfni
- Að þjálfast í vinnu rannsóknarverkefna
- Að nemendur þjálfist í skapandi vinnu
- Að þjálfast nemendur í samvinnu

Námsmat

Lykilþæfniþættir sem metnir verða eru:

- Ábyrgð
- Þrautseigja
- Frumkvæði og áráðni
- Samskipti og samstarf
- Námsvitund
- Tjáning

Vinna er metin jafnt og þétt. Mest er horft til virkni, frumkvæðis, samvinnu og sjálfstæðra vinnubragða.

Valgrein kennd

á miðvikudögum frá kl. 14:05-14:45.

Skólahreysti

Nemendur æfa sig í þeim þrautum sem keppt er í í Skólahreysti og þroska andlegt og líkamlegt atgervi samhliða því að efla félagsleg samskipti. Skólahreysti er uppskrift að heilbrigðum lífsstíl, þar sem allir geta tekist á við einfaldar og skemmtilegar þrautir, þar sem æfing og einurð skilar árangri. Þetta val er kennt á miðvikudögum fram að Austurlandsriðli Skólahreystikeppninnar. Þetta val er eingöngu fyrir þá sem eru tilbúnir til að leggja hart að sér og hugsanlega keppa fyrir hönd skólans.

Markmið.

- Að auka hreysti nemenda og undirbúa þá undir Austurlandsriðil Skólahreystikeppninnar.

Námsmat

Vinnusemi og áhugi í tímum liggur til grundvallar í námsmati.

Valgreinar fyrir 8. bekk, kenndar

á fimmtudögum frá kl. 13:25-14:45.

Heimilisfræði

Heimilisfræðin á að auka sjálfstæði nemenda í heimilisstörfum og vera þjálfun í að vinna með öðrum. Nemendur læra að elda og baka eftir uppskriftum, einnig meðhöndlun matvæla og mikilvægi hreinlætis, ásamt því að læra næringar- og heilsufræði.

Markmið

- Að geta skipulagt og matreitt fjölbreyttar, hollar og vel samsettar máltíðir með hagkvæmni og nýtni að leiðarljósi.
- Að geta sett viðfangsefni heimilisfræðinnar í samhengi við lýðræði og jafnrétti, hreinleika og eiginleika sem taldir eru bæta heilsu fólks og stuðla að sjálfbærri þróun.
- Að geta tjáð sig um heilbrigða lífshætti og tekið ábyrgð á eigin heilsu.
- Að vita um mikilvægi hreinlætis og meðferð matvæla.

Námsmat

Nemendur verða metnir samkvæmt hæfniviðmiðum eftir áhuga, árangri og hegðun í kennslustundum, jafnt og þétt á meðan lotan stendur yfir.

Mynd segir meira en þúsund orð

(Listasmiðja – Myndasögur/skopmyndir)

Listasmiðjan er skapandi, eflandi, öruggur og kröftugur staður til sköpunar, tjáningar, tilrauna og frelsis.

Hvað eru myndasögur og hver er munurinn á skopmynd og myndasögu?

Í smiðjunni skoðum við hinar ýmsu gerðir myndasagna. Allt frá Hugleiki Dagssyni til Manga, íslenskt og erlent. Nemendur fá síðan tækifæri til þess að skissa, prófa og þróa sína/r eigin persónur og gefa þeim rými til tjáningar í formi myndasagna eða skopmynda.

Grunnurinn verður blýantur, blað og ímyndunaraflið en frelsið til að stækka verkin er óendanlegt.

Námsmat

Nemendur verða metnir samkvæmt hæfniviðmiðum eftir áhuga, árangri og hegðun í kennslustundum, jafnt og þétt á meðan lotan stendur yfir.